

續修四庫全書



《續修四庫全書》編纂委員會編

續修四庫全書

上海古籍出版社

一四四九・集部・別集類

嶺南詩集八卷	〔清〕李文藻撰	一
南澗文集二卷	〔清〕李文藻撰	六五
宛委山房集二卷	〔清〕曹仁虎撰	九九
竹葉庵文集三十三卷	〔清〕張 埴撰	一一五
蓬廬文鈔八卷	〔清〕周廣業撰	三二五
林汲山房遺文不分卷	〔清〕周永年撰	六一一

嶺南詩集總目

益都李文藻素伯

恩平集一卷

嶺南詩集一

古今詩八十三首

潮陽集卷第一

嶺南詩集二

古今詩九十首

潮陽集卷第二

嶺南詩集三

古今詩五十一首

潮陽集卷第三

嶺南詩集四

嶺南詩集
總目

古今詩八十二首

桂林集卷第一

嶺南詩集五

古今詩五十首

桂林集卷第二

嶺南詩集六

古今詩九十六首

桂林集卷第三

嶺南詩集七

古今詩五十六首

桂林集卷第四

嶺南詩集八

古今詩六十三首

序

予性不喜作詩尤不喜序人之詩以爲詩者志也非意所欲言而強而爲之妄也不知其人志趣所在而強爲之辭贅也韓子之言曰物不得其平則鳴吾謂鳴者出於天性之自然金石絲竹匏土革木鳴之善者非有所不平也烏何不平於春蟲何不平於秋世之悻悻然怒戚戚然憂者未必其能鳴也歐陽子之言曰詩非能窮人殆窮者而後工吾謂詩之最工者周文公召康公尹吉甫衛武公皆未嘗窮晉之陶淵明窮矣而詩不自言其窮乃其所以愈工也若乃前導八駟而稱放廢家累巨萬而歎饗貧舍己之富貴不言翻托於窮者之詞無論不工雖工奚益予持此論久矣其後交李子南澗乃不相謀而相合焉南澗之性情與予略相似予好聚書而南澗抄書之多過於予予好金石文而南澗訪碑之勤過於予予好友朋而南澗氣誼之篤過於予予好著述而南澗詩文之富過於予世俗以鄉會試所得士與試官相稱爲師弟特以名奉之而吾兩人乃以臭味相合方其在京華每一日不相見輒卹然若失不知其何以然也南澗旣以磊落英偉之文登進士第乃捧檄瘴

嶺南詩集

〔清〕李文藻撰

據清乾隆刻本影印
原書版框高一七八
毫米寬二六八毫米

癘之鄉舟車奔走日不暇給而詩益奇而工歿後其仲弟以遺藁示予官爲一集蓋仿王筠之例讀之似近而遠似質而雅似淺而深中有所得而不徇乎流俗之嗜好此非有不平而鳴者也此不言窮而工者也此真合乎古詩人之性情而必傳之詩也予不辭而序之者蓋深知夫人之志趣而非強爲之辭也竹汀居士錢大昕書

序

二

恩平集

益州府志卷之四

富陽

富陽山水最清修小憩停帆大磯頭屈江江江長年祇解說杭州

九里洲看梅花

我過九里洲將至桐廬縣洲中梅萬本平生驚創見香微鼻觀通質皎目光眩種奪孤山園色迸澄江練芳春遇素心似雪怯白戰庾嶺到何時清景茲已擅借以醫客俗匪惟破旅倦惜哉不可畱風櫓疾如箭

恩平集

一 嶺南詩集一

朱夫門丈招集瑞明書院賦詩見贈次韻畱別二首

前賢講學地著錄盡高才次第傳經徧繚綸負笈來詩教青鬢改花繞絳紗開江漢仍歌頌鳴琴有舊臺屈指鄉先輩先生最愛才十年春樹隔一騎玉山來瘴海從茲去芳尊向夜開離愁滿前路擬上鬱孤臺

貴溪縣

細甚貴溪縣古風猶尙存人家佃山背春漲沒城門俸薄儉常足官卑清自尊斯言示圭臬賢宰與重論

南昌遇故人張竹書二首

契闊徒書札重逢認鬢毛此鄉耽勝跡幕府亦風騷越
嶠雲千疊章江水幾篙茫茫問前路未有割雞刀

別後皆無母憂來爲有官去鄉多涕淚感舊說艱難南
紀餘詩卷東溟負釣竿行藏都不可羨爾一枝安

南昌府

豫章城畔夕冥冥萬里孤舟此暫停柳色隨江圍郭綠
山光挾雨落帆青偶然詞賦滕王閣大有烟霞孺子亭
更憶南豐欣賞地攜尊吾欲問秋屏

恩平集

二

嶺南詩集一

市汊雨泊

天氣水鄉異雨聲蓬背頻江雲迷雁影野火見漁人長
路青春老多愁白髮新家園遺弟妹此夜各沾巾

劍江驛

龍山雨中過南去是豐城人影三潭曲春烟萬柳爭千
將寧有氣驛舍至今名小住貪佳地惟聞欸乃聲

新淦東山

次莊居此山築堂雅好古法刻倣淳化毫芒手摩撫琳
瑯或烟銷拓本重藝圃我嘆鳳山帖後先勒別墅實備

宋文獻作者自鋪敘石無片段畱名不著圖譜好事同
戲魚顯晦不相伍前程過廬陵一平會宏父

望玉笥山

玉澗遙從玉笥分名山道笈向來聞欲尋梅尉修真處
三十三峯盡白雲

樟口野泊

長牌過十里野泊傍漁船淺渚紛新柳羣峯共暮烟春
拋書帙裏身寄藥鑪邊小弟殊清興哦詩日幾篇

舟次寄周書昌

恩平集

三

嶺南詩集一

濟南東郭別揮涕忽踰年雲樹回頭杳溪山寓目偏貧
知行路苦賴失著書緣懷友兼多病春來雪滿顛

使閣懷黃山谷

昔時白下宰姦黠不敢欺所以有餘使倚閣晚晴時

百家邨

明朝萬安縣今夜百家邨竹圍迷山嶺巖扉帶水痕蓬
低飽風雨裘敝忽寒溫前路灘聲惡霜髭又幾根

崑崙灘

山上石欲墜山下石欲飛舟行亂石中浪花濺我衣人

願上灘速我願上灘遲所恐巉巖盡兩岸無清暉

儲潭廟

章貢匯儲潭潭神鎮其北廟貌始東晉後來彌增飾兩廊十八像猊惡配血食云是十八灘拱手儼述職篙師羣奔走惟祈風浪息殺牲汚几案稽首斷門闕我亦脫灘險過此謝冥德乃見唐時碑屹然欄楯側圓額短於人楷法人可識謂神能拯旱靈雨禱斯得頌出諸裴手石自大歷勒所幸兩面完微恨高牆逼衆碣復麻列差珍宋元刻熙寧詞翰佳至順亦典式摩挲吾所諸積蘇

恩平集

四

嶺南詩集一

手拂拭行簾尋氈椎邨市買膠墨四碑齊施紙頗資僧錫力樵漁紛驚咤聚觀到日昃我生癖嗜古收此等雞肋船載琳瑯文真足壯行色回首靈隱寺經幢漸剝蝕虎邱宋石殿題名土填塞剝折悵未暇經久纏習臆前望八境臺登眺已在卽翠琰存幾何吾欲訪蘇軾

贛州府贈太守李公枝昌

時攝道印
王闕樞

贛石三百里公乃其主人惠政致霖雨水漲減嶙峋浮我一葉舟早到贛城闔關樞渡何易不遭奴隸瞋公自識大體非憐下吏貧回憶北新關魚過無縱鱗不爲泛

西湖誰其重問津

南康縣

曲折芙蓉渡沙明日又低山城短於竹茅舍半臨溪好鳥尋常見晴嵐咫尺迷惟憑雙塔影猶可識東西

牽夫謠

南康縣北水多灣南康縣南水多灘陸行一里舟三里高崖仄徑春風寒贛州九縣十萬戶惟有會昌牽夫苦明朝出峽到南安且喜歸船但搖櫓

南安峽口山形曲峭頗似佛峪因寄周書昌

恩平集

五

嶺南詩集一

佛峪曾經訪草菴礪松巖瀑對高談炎洲不復通幽夢忽有青山似濟南

張文獻公祠

招提竹樹嶺頭分丞相祠堂海內聞羽扇人人想風度梅花歲歲薦清芬春晴簾入雙飛燕地迴階生萬壑雲不獨鄉邦感爲德開元功業本無羣

舟中觀醉

宅郎未週歲萬里隨蓬轉去年客潞州三月五日產今年遇此日滇江方阻淺卸帆無一事孤悶賴汝遣銅鑼

當睥盤什物客中鮮其母爲羅列眼前忽已滿先取惟
書筆十指齊攏撚傍有黑手本瞥視不一展大快老夫
懷俗吏或可免長卽授詞賦希中瀛洲選未遽通古今
且用大字簡皚皚兩銀錠舉手何太嬾田園吾已棄到
汝無飯盃汝又拙治生誰復救衰喘

曲江道中

我過武溪水不經昌樂瀧中宵北風至一葉下瀟江蠻
唱懸崖答漁磯曲湏撞好山紛在眼冒雨啟蓬窗

橫石磯

恩平集

六

嶺南詩集一

鎮日行危峽茲磯亦曲阿山深邨舍少帆疾驛亭多大
廟鄰神女嚴城憶尉佗前賢泊舟地

漁洋有黃石磯夜雨詩卽橫石磯

惆悵一經過

廣州竹枝詞二首

老蚌燒灰雪樣光南扶雷葉裏檳榔誰教併作屠門嚼
散落紅潮滿路旁

牡蠣牆頭常溜雨魚鱗窗子最禁風五僊門外看潮至
人在龍堂貝闕中

海幢寺

五蓬小艇泛珠江偶逐鐘聲到海幢樹挾波濤鳴殿宇
山連城郭入樓窗遙來嶺嶠前生定暫憩禪林萬念降
欲就上人求說法南華六祖是同邦

到恩平任二首

四月二日歲庚寅初綰銅章炎海濱行過八千餘里路
來治三十一圖人排衙吏纔榕陰滿答客輿穿笏竹顚
金字牌書前進士夜郎自大在今辰

壯歲才專斗大城峒丁蟹戶解逢迎地當十室求忠信
我亦全家託死生經籍幾人能盡識舊畬千頃待深耕

恩平集

七

嶺南詩集一

若除教養非爲政敢把空言潤太平

寄鄧謙持二首

見說炎方惡此來殊不然連山甘蔗地細雨荔枝天珠
翠羊城市笙歌蟹戶船紛紛恣清賞天乞壯游緣
癖嗜惟金石南荒昔未經摩挲來萬里往往見儀型初
地尋雙塔高巖問七星昨逢翁學士贈我古鐘銘

恩平襍咏六首

萬疊山中一水湄數間官舍似山茨吟詩莫拾南恩事
地是前朝巡檢司

山嵐水疊動相猜盛暑陰霖久不開聞道羊桃能辟瘴
趁墟買取五棱來

榕陰爲屋竹爲牆供養雲根尺半強社日焚香齊下拜
人人顛似米元章

增城挂綠最聲稱對客流涎見未曾香荔原從掣籤得
天教小邑接新興

北花南果品題殊龍目誰教號荔奴若準花玉有花相
天然月旦玉盤盂

十丈長材葉始生鬚垂花落綠珠成剝皮更取枕榔麪
恩平集 八 嶺南詩集一

我是中原食餅飴

蒲橋舟中

笏竹夾郵亭人家似散星近田間蟋蟀臨水數蜻蛉蠻
語漸能解漁歌聊可聽高低萬山色不對故園青

哀張林

軍流五十人安置來僻縣取以充隸卒得食免逃竄張
林本水賊扛輿力頗健如何蒲橋渡得水生狎玩技癢
自銜矜同曹笑且看中流忽被溺我舟已及岸回首援
無及吏人空叫喚赫然爲心動事我序已換綠屋或綠

挂炙日等牛汗霑衣右肩創披榛兩足爛其生已可憫
其死劇可嘆若無泗水技何遭沈水患咄咄巧與拙利
害斯應辨

鶴山縣贈曾明府衍蕃

鶴山山似鶴城郭帶山岑來路巉巖甚停輿竹樹深訟
庭容屬草澗水苔鳴琴羨爾能爲政栖栖感我心

江行

近識江行樂眠飡得自如寧乘五蓬艇不憶兩輪車山
色推窗裏詩篇下筆餘清尊何以佐前岸賣嘉魚

恩平集

九

嶺南詩集一

奉調入閩二首

自揣生來骨相貧山城半載歷艱辛才逢八月徵兵米
卻把銅章讓別人

到日局門先考試愁持筆硯向羊城老孃莫漫誇身手
定有孩兒倒入紉

觀湛甘泉所作陳白沙墓碑

人物南邦最碑銘異代存停帆上江岸身到白沙邨聘
玉藏樓閣遺書問子孫增城詞翰好端足報師門

入內簾呈同事諸君

簿領沈迷劇可憎喜來鍵戶避喧騰三朝手試治羹婦
獨夜身爲退院僧未輟歌哦揮墨筆久同甘苦是青燈
欲裁僞體須商略周北張南慶得朋

周樂昌張永
安與予比金

薦卷

薦卷憑君子細論頻加黥色不留痕久知世上京官貴
又道人閒墨筆尊

閨中夜坐

番禺山北越臺東鎖院沈沈似蟄蟲燭穗瓶笙支夜雨
寺鐘城柝遞秋風要求神駿生前骨須辨清音爨下桐

恩平集

十

嶺南詩集一

屈指恩門多未報當年辛苦此宵同

十房官公宴兩主考卽席二首

鹿鳴歌罷又張筵節使將歸意惘然南海衣冠盛今夕
後堂絲竹及中年蜚歌蠻舞開顏易柳酒橫茶入手偏
眼見素馨簪滿髻不須惆悵弔花田
鎖闌一月接高談徹棘徵歌勸駐驂列坐歡呼如脫兔
回頭局縮似眠蠶鼓聲夜已三撾過酒色春將萬戶酣
莫聽驪駒動歸思秋風例不到天南

房師潘樸邨先生賦詩見寄奉和四首

新詩傳萬里灑淚認封題嶽樹回頭杳江雲到眼迷清

涼祛五瘴辛苦課三犁

原詩

十字書垂帶分明是土圭

幸已習水土何知行路難孤城懸絕徼八口出層灘喜
怒防胥吏怔營事上官天南少霜雪卻向鬢毛看

海晏諸蠻熟山深一令尊看花歷冬夏種芋足饗飧事
似魚逢鱣情非虎牧豚愛人惟潔己不敢玷恩門

會戒爲能吏兼從學古文身非衣鉢寄名自齒牙分夢

繞三珠樹

謂諸郎君

心飛五朵雲濮州鐘可叩應遣嶺南聞

奉寄座主錢辛楣先生四首

恩平集

十一

嶺南詩集一

風雪都門別車船絕域來到官年已換長路首頻回王

化諸蠻靖儒迂小吏猜青山環縣郭微抱頗能開

水壘防朝食爰書奪夜眠經時對淫雨九月尙炎天跡

與徒隸近世無文字緣上官須善事三復贈行篇

尺一天上至淚流難自禁平生感恩館努力守官箴問

俗芳竹徑講書榕樹陰寧人譏政拙未敢負初心

萬里充筐篚端州石室碑先生所嗜好貧宦力能爲史

局兼歐宋經筵匯孔姬無由窺述作夜夜夢皋比

送主考陸公回京二首

攬轡駸駸陸賈城經時天府有逢迎全騰海上衣冠氣
徧識南方草木名七十二人添著錄八千餘里紀行程
風流兼有歐陽癖鐵塔遺文手拓成

九月南天氣未涼越王臺畔日常羊酒從嶺表逢真一
詩與潮州競短長已過笏城供荔子何須蒲澗采松肪
千林落落璇樞色記取橙柑到口香

衙齋

榕樹陰中罷早衙衙齋閒寂似山家經年屋角垂蕉子
十月塘坳放麥花每酌烏醪思紫露且參玉版當黃芽

思平集

三

嶺南詩集一

翻憐鄉里冬來苦觸手冰棱撲面沙

塔腳白菜

端州謁天府乃與冬菰俱種自安肅來畦闢城東邛塔
腳一片地茹啖千家須事怪理難解別植味則殊當其
初種時泉土誰爲區千錢二百斤頓頓割其腴匪曰咬
菜根發性同醞酎時方盛柑橘又值上嘉魚豪貴競擎
鮮野雞山鷓鴣老饕姑舍是食菰飽有餘潔質爭玉版
微筋類明珠嫩黃鵝破殼新脆牛煎酥始知鄉味好諸
物中爲奴遷地弗能良猶可壓南蔬

趙寧菴惠嘉魚

嘉魚德慶產網致自高要郵途徧同官歲費如千鈔我
來端州城盤飧惟藜藿感君能饋生勝於折柬召在盆
口猶驗離水尾尙掉事異子產畜力省莊周釣巫下中
廚飭烹作八珍犒細膩玉截肪側長刀脫鞘鱗鱗雅俗
別鱖鱣抄撮較豈有多刺嫌且免啖茹謂蔬惟塔腳菰
飯是南海耗得此成三絕俊味冠嶺嶠我稽蜀都賦丙
穴有專號腴美將母同乃出泮河微旣爲果腹賚又獲
吟詩料忽憶南有篇烝然歌單單

思平集

三

嶺南詩集一

迎春二首

春光未去又須迎百戲喧闐一里城城北山光燒後綠
城南水色雨餘清
東皇隨我向官衙一路濃陰鳥語譁梅李山桃開已盡
春風惟放木棉花

辛卯元旦

嵩呼九拜曉陽高爆竹聲中試紫毫稷下親朋勞望眼
嶺南霜雪在顛毛飛鳴無復驚人鳥俯仰翻爲挈水桮
暫度銅章度佳節滿城山翠泛香醪

陽江縣

一夜那龍水春風送客舫南恩舊城郭強半在洲汀繞

後千山綠潮來滿市腥前時有良吏伏臘尙遘銅前令孫道

宣有祠

洋邊

生長北海官南海未知海是何容顏鞠獄陽江迫驅使
惴惴初上洋邊船預想天吳出青嶼龍宮貝闕相掀翻
倚楫瞪眎無所得乃知海隔層層山童子煎茶取勺水
鹹不可飲唇舌乾徒嘗其味昧其貌吾與海若緣何慳

恩平集

古

嶺南詩集一

去年走謁波羅廟曾窮目力黃木灣重峯疊嶂通蜃氣
浴日亭外惟雲烟但見海舶不見海摩挲銅鼓嗟空還
自分雕蟲本小技溟渤大物難搏掬見之手無元虛筆
不如不見猶可原黃河結冰度雙轂揚子江水高連天
昔過不能道一字其於祝融何恨焉右肱支枕睡不穩
滔滔汨汨孤篷閒挂席須臾九十里邨墅雞犬紛眼前

織簣

織簣邨邊趁晚潮孤篷風雨鎮瀟瀟隔年竹蔗重抽葉
正月池魚已下苗海氣混茫驚短夢山程慘惻又明朝

春光如此嗟行役坐惜朱顏暗裏銷

蛇邨

微雨新州道邨行興不孤山如紅瑪瑙草是碧珊瑚竹
筧高低接沙禽下上呼前頭錦川口霑濕一登艫

三水道中

于役殊不惡人將春共來連山途蒼翠傍水忽樓臺驟
雨紅棉落微香紫楝開詩成短篷底不爲片雲催

郡館示季弟

南服濕且燠舉家生瘡瘍惟汝尤屢發膚色漸萎黃隨

恩平集

五

嶺南詩集一

我看星巖意興頗飛揚頓生跨馬癡痛楚長在牀醫者
不可恃所恃賦稟強我日趨大府早食到三商歸爲理
湯藥中夜情悲傷不寐憶家事暫夢縈故鄉我體素健
者卒苦成批糠痔漏久不平解血流蜂房已知元氣洩
豈宜戀銅章吾家好天氣桃李烘晴光竹西屋三間萬
卷尙畱藏仲氏應南望念此千迴腸

黃岡邨

巖下邨居好江邊物色饒夕陽明峽口春雨沒林腰琢
研霏雲屑又魚踏海潮回頭看北斗茅屋在魁杓

獵戶獻虎皮

夜來張弩向山邨，朝途舉比到縣門。
灌莽從知編戶少，肅風想見負嵎尊。
臨官誰佩脅旁骨，遺患應看耳上痕。
忽憶授經曾坐此，生徒三載隔寒溫。

獵戶再獻虎書三十韻示之

山縣林菁盡宿莽，翰深谷仁獸不來游。
猛虎時竄伏，或以藥箭得獻皮。
食其肉，黃金買死馬，費我三月祿，重賞有勇夫。
相報何太速，數人肩白額，眈眈見雙目。
斑奴墮訟庭，文采耀歷錄，茫無嘯風力，觀者猶頸縮。
搏非恃徒

恩平集

六 嶺南詩集一

手巧不亡一鏃，廖秦術未墜，偃鬼害俱逐，皚皚花邊錢。
償之應滿掬，傳聞古良吏，惡類莫能毒，化石與渡河，往往書史牘。
我來無惠政，日不廢鞭朴，一春虎再見，得毋內多欲。
堂皇坐辰蟲，假威徧騶僕，胥吏亦貔貅，百姓中豚驚。
對此頻自訟，慄慄戰心曲，而人身鮮衣處，華屋無望。
君子變願聞婦人哭。

羚羊峽

十過羚羊峽，羚羊不可求，峽風颯以至，烟雨滿端州。
嶺海重門啟，黔滇萬里流，七星當北郭，日夜與沈浮。

靈洲山

縹緲小蓬邱，僊風五月秋，登臨當落日，金碧在中流。
芝草三山夢，雲帆萬里愁，炎方憑騁目，更欲訪羅浮。
抵任新安

暫縮新安印，東官更向東，安衙山色裏，爲市海潮中。
地瘠憑膏雨，房低畏颶風，秋來魚信少，甚念此邦窮。
家人至自恩平

扁舟已渡海，八口忽移家，到岸吏人接，入門兒女譁。
手持新會扇，寄蓄古勞茶，都是恩州物，清名敢自誇。

恩平集

七 嶺南詩集一

曹胡兩主考，用東坡監試呈諸試官韻賦詩屬和。
三十竊科第四十，叨俸廩折腰，向嶠外選輟易孤，稟簿領官竅。
枯昏昏且再稔，琴異單父鼓，酒斷陶令飲，豈復理文裁。
倒懸無墨藩，去秋事分校，一月費甄品，稍喜文字緣。
時過歎華荏，今年得再預，珠目彌難審，我聞康熙末，粵士敝已甚。
斑駁售雁鼎，雕績銜假錦，惠公富經義，菽粟絕沙磧。
良藥起沈疴，長手扶蹕蹕，典籍飫講席，春融破冬凜。
鳳來鳥共朝，龍去鮪方淦，六經爲庖廚，乃變樽桑椹。
多生抱枵腹，巨儒誰接衽，興學溯文翁，增拓望

高睨二星雖暫至此事欲與諗驪黃非皮相酸臠貴調
餽模索皆何劉吞吐或任沈文章出孔牆禮樂入周寢
八股証小技四海轉鏤鏤大雅輪可迴俗吏口應禁勞
力助決擇深宵未就枕

送四弟文濬歸里

行矣風波險傷哉弟妹貧附書惟有淚獻歲已無親雪
霽家山近鳥翻宰樹春西堂足殘帙料理待歸人

壬辰正月二日舟中作

六渡合蓮海天涯歲又新烟花增馬齒墟市近鮫人夙

恩平集

六

嶺南詩集一

垢仍書蠹多愁負酒鱗孤航困奔走令節似蕭晨

潮陽集卷第一

開船二首

羊城兩月雨如麻逐隊衝泥謁大牙自悔開船遲十日
江邊落盡木棉花

此去潮陽路幾千圖書律例不盈船管騰又過清明節
最憶全家中冢年

望羅浮

四百餘峯列碧空僊衣處處舞東風孤帆三日惠州路
都在羅浮山色中

潮陽集

嶺南詩集二

陂溝邨

日落人未駐羣山開晚晴稻塍連草滑松樹與烟平三
月飛螢火前邨隔犬聲投棲聽崖溜不寐又詩成

到潮陽任五首

人稱舊尹名藉甚我是書生迂可憐父老無須迎道左
先求收拾滿懷甄

人家北郭連南郭蜚艇前溪接後溪黛染東山似屏障
縣樓恰在夕陽西

嶺南無暑不榕陰縣古堂高樹亦深堂背枝枝巢白鶴

天教俗吏伴僊禽

誓文仍是舊頭銜拜罷城隍易葛衫聞道顛師舊居在
看碑徑上闢牛巖

芋畦燒塢少甘泉潮水成鹽不用煎曬戶要晴農要雨
作天莫作海濱天

韓文公廟

何事歎南食千秋薦苾芬辭朝佛骨表爲郡鱷魚文枯
木仍畱姓穹碑與紀勳通經憐趙德生死附青雲

拜顛師像

潮陽集

二

嶺南詩集二

祇爲韓夫子低頭拜大顛畱衣至今著書簡已荒烟儀
觀區生最爲師趙德賢海陬無與語三子竟能傳

自海陽赴大埔舟中作三首

河水屈曲來舟行常面山轉處忽不覺依然山圍環折
多水彌溜石鱗露急湍頗似章江中一舟十夫牽有客
能緩行愛此山清妍松毛鋪絕壁蕉竹相沿緣山鳥鳴
一聲山月出娟娟漁歌荅牧唱遙指烟樹閒

棉陽忽兩月訟牒闐門至下鄉檢屍骨數入鮑魚肆鞠
獄深夜分廢餐且罷睡不才奮欲理車轍螳螂臂秉鐙

把判筆日畫百行字書籠皮西齋無由手啟視心血耗
恐涸領底增雪刺太守有差遣暫脫坐堂累六逢三日
程布帆趁涼吹旣釋案牘繁兼領山水媚此樂得何從
再拜太守賜

鳴鑼朱坑汛遇有下水舟未見先辨聲季弟呼相求經
春盼爾來爾來釋我愁乃述去年旱麥稷俱無秋仲氏
難指柱賣盡郭東疇寡妹亦菜色紡織不自謀聞之心
慘怛空爲萬里遊官私兩迫逼不如歸林邱

蓮花峯觀海

潮陽集

三

嶺南詩集二

一上蓮花頂長風埽碧嵐波濤翻日夜天地極東南似
葉洋艘至爲樓蜃氣酣鬪生我同里瀛海竟須談

病

吾病緣何作三年困鬻炎折腰仍墨綬拭吻已霜髯簿
領何曾了詩書久未拈昨逢善醫者教我讀楞嚴

示顏德潤邦彩兄弟

連平兩顏生負笈來潮陽大顏詩入格小顏能文章風
貌出稠衆威儀雙鳳凰溫謹如處子言笑恆周防各請
受一經我意殊皇皇平生學篆刻倘鄙無宮商未及伏